

書名 空同先生集六十三卷 嘉靖九年序刊本
撰者 明 李夢陽 撰
卷 卷一
內容分類 集-別集-明中葉
索書號 倉石:40084
編號 4008000



卷一

空同先生集卷第一

賦一十首

疑賦

思賦

省愆賦

緒寓賦

俟軒子賦

一十首

疑賦

鈍賦

述征賦

宣歸賦

寄兒賦

竹石賦

[彩色首頁1](#)

[東洋文化研究所漢籍目錄 編號: 4008000](#)
[東洋文化研究所漢籍目錄所藏漢籍善本全文影像資料庫 索書號: 倉石:40084](#)
[漢籍善本全文影像資料庫文本空同先生集六十三卷 嘉靖九年序刊本](#)
版權所有: [東京大學](#) [東洋文化研究所](#)
[使用上的注意事項](#)

乾坤高卑易矣。星辰在下。江河逆矣。天喬喬天。

北郡李夢陽撰



空同先生集卷第一

北郡李夢陽撰



賦一十首

疑賦

鈍賦

思賦

述征賦

省愆賦

宣歸賦

緒寓賦

寄兒賦

侯軒子賦

竹石賦

賦一十首

疑賦

下乾上坤高卑易矣星辰在下江河逆矣天喬喬天

雉鳴求牡矣。魚游于陸，冠苴履矣。嗚呼噫嘻，當晝而
夜宵，中日出，我黑彼白，婦鬚男裼，鈇刀何鈗，湛盧何
鈍。丈則謂短，謂長者寸，鳳鳴翩翩，羣唾衆愆，鶴鷓胡
德見之慕焉。嗚呼噫嘻，貞瑩內精，讒嫉孔彰，垂滑泆
忍名崇智，成軟詭，歌歌馳騁，爽達殲良，媚勢光爛，門
闈彼曰昧昧，人則攸知，上帝板板，鬼神邈而昔之多
士，猶或畏疑，今之多士，覩肆困懷，嗚呼噫嘻，民殊者
形厥心，則一威擠利，唱曰伊我粟，血流于庭，酣酒歸
室，友朋胥嬉，同聲德色，穿彼罔識，巧我攸極，昔之執
衡視權，與星今之執衡，惟我重輕，古道坦坦，今眩東
西，指晨謂暮，目鸞爲雞，隣牛茹虎，虎翼虎德，予厲莫察。

階倒靡究，所嗚呼噫嘻，塗路橫行，回憲則貧，上官專
榮，原隕厥身，直何以仇，佞何以親，或何以顛，操何以
振，飛何以屈，檜何以伸，西子何惡，嬖母何姝，乘黃瘠
弱，御者駘駘，舍彼靈明，溺任胡塗，皎皎者忌，憐彼濁
汗，水清奚無魚，而泥淖以成良畬，先生莫所自解，謂
曰握粟出卜，其何能穀，於是出造平咸，叩焉，平咸曰
胡梯鶻突，而與世汨，受福揭揭，漁者一旦獲，尋丈之
魚，見之者猶捩頸流涎，思劫之也，而憾不漁，屠而况
懷千金之寶，抱徑寸之珠，吾誠不能筮以決子之疑。

鈍賦

鈍者何傷時之錮也，亦自快也。

余竊悲機巧之競進兮性靈利而激昂衆倜儻而鑷
利兮務捷徑以求成勢犬牙苟相軋兮白刃起而相
仇戈戟攢於心肺兮蹈檻穽而靡憂汨余生之頑鈍
兮年逾壯而無能強砥礪而求合兮路亡羊而多岐
退歛掩而修吾初服兮韜余劍之陸離拂靈鏢之鏃
鏃兮吾什襲而猶恐露之喟時俗之反覆兮常寶偽
而棄真斥莫邪使不御兮挈鉞刀而自珍吾縱有湛
盧與龍泉兮反孤立而危懼按明月之玉環兮塵星
斗使不露覽往古誰不然兮吾又何怨乎今之遭余
常恠范蠡之用鉞兮末見幾而逃彼種與胥豈乏利
刃兮竟爲主之仇讎故木以直見伐兮樗以屈曲保

全故銳者先斲兮吾蓋幸毛遂之脫身鬱佗僚余排
抑兮退且焉礪吾初質索白茅而構菴兮斲桂杉而
爲室悶踽踽以潛處兮情蹇產而畫一聞跼踖以後
時兮寂蒙滕而藏密余以往哲爲治兮以隱子爲模
鎔禮樂以爲鈇兮率仁義而內娛進旣匪我願兮又
何必昭此鋒也愔徜徉以往來兮聊秣吾之駿驅策
駕駘而追騏驥兮余故知路之遠遠按六轡而遊康
莊兮亦何必逞羊腸與九坂舍余駟於丘之旁兮又
捐刃乎水齋準閉戶而削迹兮效完身而遠害惟山
路之難嶮兮叢篁鬱而蔽天物過盛而易實兮勢貼
危而必顛吾寧楞騰屋簌蒙詬笑兮不願爲文錦之

犧牛寧與蹇驢齊軌埋沒于塵土兮終不與凡馬而競先

思賦

有子不及見其成立爲子生無以養死無以葬仕也無以懷斯二者天下之至悲也死者已生者思兀然黯然而平駱子胡以塞汝悲於是爲駱子作思賦賦曰

慨予生之眇眇兮塊獨處此遐域謂往昔以自憐兮淚交下而橫臆登峻極以顧望兮慨江路之漫漫思井隴之萋絕兮願矯舉而無翰山岬岬以蔽目兮浮雲又互而四馳詔鳴鳥以詒訊兮歛高騫而過之託

先人之餘蔭兮躡高躅於英哲勉策名以副實兮懼前修爲之半輟入文衲以華屋兮出結駟之翩翩慟夜臺之旣屆兮杳冥冥而重泉攬疆土之殊異兮睇江鄉之墓阡米予莫之負兮木兮風而夕厲悒怛怛以不寐兮撫拊膺而歔歔哀故山之遼遼兮湖汭汭而海波隴荆榛之弗治兮枯艾積而寒莎霜露旣披此梧楸兮迺又申之以颶風猿夜鳴以慘心兮鴻鴈南而米雪米雪予旣弗堪兮豺狼又怒而當路然萋斐之易眩兮寒隱憂而誰訴恹愠愉以中結兮氣氤氳而內煎耿絲聯而靡絕兮鬱於邑而若牽怒泉牢而若饑兮若皇皇求而未得食俵俵而罔甘兮寢輾

轉而反側步踽踽而有望兮坐默默而自語優惻惻
而有聞兮肅容聲之接予亂曰綏我思成神之利降
爾遐福天之畀孝子不匱賢之嗣

述征賦

正德四年夏五月北行作

仲夏赫炎兮草木畢揭鞶綵赴徵兮夜發梁國抑情
順志兮強食自解亂流渡河兮忽焉而寐所以懣恨
揮霍兮中情苑而內傷明星散而交加兮翩冥冥吾
以行覽衆芳而橫涕兮莽皇皇莫知所投曷曷杲杲
方上進兮雲披離而蔽之飄風礪而曾波兮湖水擊
而震盪慨川廣而難越兮朝余翱翔平河上旣涉衛

以奔騫兮又逾溘而渡漳去故鄉以就遠兮霑余襟
兮浪浪山峻高而造天兮又陰晦而多雨觀蘊蟲之
相搏兮恇於邑汗又交下哀人命之有當兮禍福杳
其無門孰非義之可蹈兮焉作忠而顧身余獨怪夫
蹇博之罹患兮親好修而逢殆箕子狂而悲歌兮彼
比干固以菹醢觀前世誰不然兮矧吾懷愆而造尤
聊周張以嬋媛兮蓋不忍此心之常愁涉湯陰余愴
况兮乃又瞻茲美里鄂廟屹而傷路兮駟超軼而過
止懷誠有離慙兮任道有承尤侍中顛隕兮扁鵲被
劉專惟君而遘殃兮眩吾不知其何謂極終古而長
憤兮羗炯炯其猶未昧翼絲絲之無聊兮眇翩翩莫

知所騁憂悄悄之悶贅兮歷山川余弗省跡有隱而
難察兮物有微而先彰負蚊蟲以抗山兮固切人之
未量欲結言以自明兮拙而莫之謀也將曾舉以遠
羣兮又絆而莫之能也經溝瀆吾不悅兮亦何必爲
此行也蹇相羊以俟至兮莫好修之證也路遼遠之
裔裔兮埃風旋而歛容兮原曖曖而塘塘風草剡而冥
冥兮狼狽號而夜鳴指黃昏以爲期兮驂駸駸又夜
行曰雷霆不可玩兮孰刑人而不戒悲轅馬之喘噓
兮常十策而九退朝檻木末之清風兮夕瞻明月指
列星我旣處幽羗誰告兮魂中夜之營營欲展詩以

效志兮又恐增愆而倍尤衆聚觀而潛諱兮或掩涕
爲予平淹留予朝餐中山之初蕨兮暮挈易之香茶
睇北山而不見兮彼南州又藐焉而弗予睹氣怳怳
而絀結兮心緯繡而弗怡紛流日以相觀兮見金臺
之崔嵬軫雄虹之迅光兮愾烏白與馬角燕昭旣劇
該輔兮厥躬亡而國削何秦嬴之虎視兮厥二世以
不祿固盈虛之環杳兮春秋奄其代續自前代乃已
然兮吾又何怨乎人心雜亂反覆豈畢究兮由遂古
而至今重曰隆隆三伏鑠金石兮如羹如沸行路喙
兮道思作誦軫爾類兮南有喬木不可以憇兮念我
徂征日顛顛兮含精內蝕世莫可說兮亂曰已矣哉

鳳鳥之不時與燕雀類兮橫海之鯨固不爲螻蟻制
兮誠解三面之網吾寧溘死于道路而不悔兮

省愆賦

伊余幼好此騏驥兮服偃蹇以驕驕載銜轡而周流
兮耿旣得此中路余謂秉質曷固兮謂蘭蕙介而過
疑援鳴鳩使爲理兮俾高舉而並馳旣倅直而不豫
兮又任怨而干條固羣吠之難犯兮每沾危而弗懼
余豈不知曉曉者之寡完兮羗堅忍而弗懲驟諫諍
以離尤兮莽飄風之相仍交不深而易絕兮儵中道
而改度媒阻絕之不通兮焉孰導余以前路放子嗟
而掩涕兮逐臣去而不還紆鬱邑以屈抑兮恐日薄

於西山浮洋洋余焉極兮濫逶移而游滯相曹梁之
廢墟兮攬長河之緒風信孔樂非我願兮望北嶺而
歔歔效桃鳥以自珍兮遘羅網之不意憐赫夏以桎
梏兮雷無雲而晝鳴愍棘扉之卑惡兮夜不見月與
星吾聞湯文遭繫兮豈其博修之故惟鄙人之不葵
兮固宜蒙詬而逢怒步庭堦而遙望兮宮殿鬱而槩
天願隳志之無路兮倚北戶而嬋媛觀炎焱之塌埃
兮地沮洳又蕪穢哭與哭之相聞兮對飲食而不能
下怨長日而望夜兮夜明闇又若歲蚊蝎伺人以唐
笏兮鼠登牀而鳴逝怵侘際余隱軫兮哀民生之多
蠶數惟萬變豈其可槩兮孰泯忍而不跲援往聖以

爲程兮按余志且焉止哉夢忽乎余上征兮魂浮游
之眇眇過太儀叩天閭兮捫白榆之歷歷進不入以
邇迥兮退余將覽夫下土馮玄雲以相羊兮洵極樂
而無所撫辰星以攄慮兮攄雄虹而降觀飲積清之
浮涼兮依北斗而浩歎何民生之錯雜兮紛既有此
多難心猶豫而內訟兮悔有目之不見寤周覽以增
歎兮塊獨處此幽域鳴鴉萃而翔舞兮鳳鳥飢而夜
食衆輟杳以自媚兮焉誰察余之優優閔芳華之霑
落兮秋風至而改期飈蕭颯以摧容兮天淫淫又陰
雨幽屋破而下淋兮牀一夜而十徙恹蘊倫以省故
兮冀一見之不可得日昧昧以將入兮掩衾裯而太

息惜余年之強壯兮常坎軻而滯留憐鬢髮之漸變
兮恐芳草爲之先秋情有感而難忘兮性有紕而不
釋念昔者之周渥兮孰堅忍而拋擲聞紆壹以忤贅
兮竊陳詩以自抒懼言弱而道阻兮怕潛隱而思慮

宣歸賦

正德九年是歲甲戌厥月辛未臣以居官無狀
得蒙寬譴罷歸迺作宣歸之賦其詞曰

昭浮清以覆育兮北斗平均而酌時聽蛄微細而先
秋兮水知寒而流澌疾余生之蠢持兮性重剛而習
坎吾旣倖直獲斯厲兮孰復訟心於顛頷悲羣志之
詭異兮怕忌勝而營已與已好則曰好兮忍憎蛾眉

而攻毀繫聖人無小大兮吾聞大道以天下爲公彼
黨同以掩飾兮擊非儔而謂忠惟古人之醜僞兮迤
四夷而投北胡今士之焚穢兮廉之則云伐德帝板
板以遼寥兮九天立而雲征滄汶汶以頌夢兮豈察
詳而悉情滂澄清厥躬殆兮原靡豫而遭放美余焉
獲茲嘉聞兮詔冠帶以流浪晨靈雨以揚楫兮溯江
漢之滔滔背朱明之游颺兮面長庚而北適瞥九江
余矍儻兮超大別而逾迅介夢澤以洋洋兮風沔郢
以遵順宵認參昴兮晝諦波濤痛定思痛兮瘳前車
而內切衆乖滑以善憎兮嚙水啞而背訛諭媿媿以
朋附兮瑣刺齷而陽給艤余惡以披離兮矯九仞之

翩翩趨溷悶以孤爨兮巢雲柯之蔽芾彼叢噪以側
睨舌含沙射而伺予夥千百以致一兮標寤言而誰
語陋嘍呶之僞態兮譸傴僂唯唯趨趨生捩直俾之
與兮民炎門礪而肉魚胺血膏以日富兮佯減儉以
豪素哀窶人之填寡兮彼醜鮮袒而號呼心與迹旣
我逆兮焉飲食之違寧憤粉飾之亂姣兮疇知余結
駟而滿膺時鑠金之冰鬚兮吏抱牒環而相勿汗歛
歛以零案兮風薄肌之瑟瑟恫潰澮以煩擗兮念偃
仰之不可得報束帶以例趨兮表眩戰而狐惑徒文
繡之外處兮內棘戟其誰知思玩慢以整遷兮則又
懼素餐而神災吾寧轟烈劣撒與世選兮良不忍醜

散齷齪與草木而塵埃惟代謝之飄忽兮慨顏跖逝
而黃丘究萬變以定命兮孰長存而竟留懲夙昔以
質行兮吾幸夫前路之尚修余指日月之顯隅兮廻
巖阿而槃考徙桑若以敷蔭兮移嵩華而分島仰峯
聳之歎岑兮俯泉瀨之磻磻穆宥助以潛處兮探理
窟之英邃合性命而論一之兮周覽陰陽之轉圜橫
宇宙以長觀兮驗妙門之玄玄混沌及而天地覆兮
堯桀泯而誰分篤述作以強志兮吾豈願來者之盡
聞

緒寓賦

炎炎赫赫歲闌茂兮丹西鶩而逆流途路艱阻渺以

浩兮畫皇天之昧幽涉襄樊而濡滯兮時寒涼而雨
霖水洶洶以震堤兮勢擊盪而崩淫龜告我以茲食
匪兮望舊鄉埒焉洪濤伊誰詒斯跋扈兮悒鬱瞽而
中忉柏陽日之既冬兮妾諏吉而載牽駟牡既秣余
遭遭兮躋廢城之曲鬱咎品形之流易兮賦吾性乎
消急進退拂以奔波兮名與德之不立惟騶驥置之
閒閒兮固狸馳之蔑如執成敗以律之兮彼亮飛出
而誠愚既矢夫捐身以酬知孰暇計完名而保軀悒
世人之善壽兮謂吾皇皇而求家尼聖尚有茲鄭門
兮矧吾庸鄙而過頗顧鹿山以凝眸兮壯江漢之繹
繹跡與心胡之倘兮精連連而靡憚效抽辭以閔還

兮醜澳道之陵夷，偉龍臥以消息兮。逢三顧而有爲，往者吾不及之兮。來者吾靡量，苟得喪匪厥命兮。曾賢智之盡庸，嘗周草以游志兮。北風颺戾而蕭條，望原野之滌滌兮。薰臭奄而並燒，善踴踴以奚恃兮。憤雍蔽皎然莫闡，情以迷浪兮。戲康莊而隱身，重曰陟樊城以還顧兮。極南陽之永阡，氣蔚鬱以騰攄兮。星辰炯而下連，慷慨者多戚兮。恒循蹟而嘯吟，盼白河之蒸雲兮。倏中原之勁風，天靈灑以翳翳兮。白日晡而西匿，繫人生之幾何兮。汲毀譽而縈臆。

寄兒賦

正德七年秋兒披以離思賦來獻予則作此寄

焉亦教之焉

鳥來自北兮銜章進辭，開緘覽意兮閱爾峻思。賦曰風嫋嫋以先秋兮，百卉改而動容。時序莽其流易兮，塊予猶獨處此異江。地卑濕而蕪陋兮，孤俵俵而寡仇。愾直路之蓬蒿兮，綱紀壞而不修。惟彼人之嫗巧兮，謔灼約以先意。衆瀾倒而莫之支兮，昭余志之獨異。陟匡廬以凝聆兮，眺江介之孤城。山合駁以迎目兮，清雲曳而前征。愴荆吳之渺漫兮，波水澗而交逝。瞻梁豫之逖逖兮，情悄悄而濡滯。日晡晚以旣夕兮，塵埃溢而蔽天。役車載路而班班兮，覲旗旒之翩翩。悲時世之艱難兮，詢亂離而爭奪。兄嗟弟而殷憂兮。

軫汝曹之飢渴終風霾而四流兮冬不雪至於三月
春遲遲以方陽兮民背鄉而顛越揮耒耜而介冑之
兮青草錯而白骨鬱余懷以遭迴兮紛涕零兮如霰
帆彭蠡以浮游兮天地炁其方旦齊吳榜以前舸兮
聊擊汰而容與余朝歷石壁之嶙嶙兮暮泊陽禽之
渚登陞岍以遼顧兮深林黝焉杳冥虎豹舐舐以伺
人兮群狐狸而晝行哀死亡而無告兮橫屍蔽而臭
野斯固易懲兮彼益復耽夫刀弩惟以暴除暴兮斯
亂與亂相尋苟威信之靡忱兮吾慮夫降叛之詭心
宵攬衣以興嘆兮步明月於中庭挹河漢之回光兮
數北斗之朗星衝飈葭以驚帷兮熠燿亂而當戶華

弩

何秋而弗零兮木何蠹而罔朽上智者先幾兮厥邦
保之未危何白日之初照兮浮雲起而翳之玉與石
豈難辨兮亦司者之罔察也鈍超軼以先銛兮胡朱
之不可奪也稽煩婪以蹇剗兮步高城以散眸誦昔
者之怡豫兮內怵惕之無聊駐余馬于梁之臺兮又
逍遙乎大堤睨嵩岑之峻極兮覽長河之逶迤慨伊
阻之自貽兮汝隔離而弗覲余匪貪厥好爵兮胡匏
繫而不適江洶洶以夕變兮木葉下而海波召飛鳥
以詒言兮訓爾音而永歌歌曰訶瀕洞以溷濁兮時
嶮艱而路危羨龍蛇之伸屈兮傾哲賢之順時孔桴
海而曾思兮伯陽西而流沙效梅生於吳市兮願抽

身而舉遐奉前德以創則兮肇孫謀而奠家

俟軒子賦

衆躁趨以幸成兮至踰夷而競先溷動勦以徑捷兮
李墮已而弗悛彼靜者以天動兮謂定者非我能逃
恒謙守而需抱兮懼逆時而遘尤體孔言以居易兮
遵孟訓而行法謂非俟余何求兮爰名軒而省察軒
吾固徒處兮名吾敢襲取譬涉川而戒維楫兮聊待
時乎吾容與夫桃李不能秋以英兮桂菊春而豈華
彼萬物疇不然兮乃欲速吾謂何吾討典籍以娛日
兮探性命之幽蹟冀河清之有期兮幸耀靈茲而未
夕苟積久而淹貫兮又奚窮達崇卑之足掛臆

竹石賦

有蒼者篠叢彼阿徙置得地孺以華托根靈石發生
直翕颭佛樓翠風閣長竿嶢嶢翼紛若截爲雙簫雛
鳳鳴任心吹之靈霧生乘鸞挈友騰烟霧餐霞戲委
永無慮中虛允直性介固

空同先生集卷第一

附離思賦

正德辛未家君南游久別顏面愴惋悲思爰造
斯賦以抒情焉並錄以獻詞曰 子枝

陟繁臺以南眺兮思吾親之所止心於邑而內傷
兮望番陽之瀾瀾冀音書之北反兮晴曾睨而目
連憂孤身之遠託兮內崩裂而涕漣秋霜紛以宵
下兮寒薄軀其誰知路迢遞而莫至兮徒搔首而
踟躕覩條枚之相易兮心鬱鬱其憂思哀國步之
斯頽兮獨俛俛而安之何予生之不辰兮遭時運
之逆遭寇盜起而猖獗兮孤城虛而將顛撫白雲
以太息兮涕淫淫其巖霰望豫章以翹首兮天蒼



蒼而不見憶朱遷之告別兮步予而涕揮歷秋
夏而不見兮心恍惚其來歸若乃三星爛而當戶
兮適明月之在天四肢委而莫舉兮魂爽飛而翩
翩忽承顏于左右兮心肅肅以奔走每膺訓以唯
諾兮忽張目而莫購內怵惕以啓戶兮視明星之
有燦心怔怔而未已兮據胡牀以待旦佩道德以
遠遊兮固丈夫之所躄斷恩義而不顧兮豈兒女
之所堪爰託茲以抒情兮泄吾心之鬱邑挽垂楊
以三撫兮涕潺湲而佇立亂曰撫彼景物傷吾心
兮思彼君子涕淋淋兮仰瞻明月光皎皎兮天涯
眇眇同斯照兮安得羽翼翔南國兮

空同先生集卷第二

北郡李蕙陽撰

賦一十首

送河東公賦

吊申徒狄賦

吊康王城賦

吊于廟賦

吊鸚鵡洲賦

哀郢賦

汎彭蠡賦

觀瀑布賦

泊雲夢賦

漢濱賦

賦一十首

送河東公賦

正德元年冬十月河東公以譴放還屬吏郎中